



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), Skupština Brčko distrikta BiH, na 33. redovnoj sjednici održanoj 13. oktobra 2010. godine, razmatrajući Nacrt zakona o zaštiti i postupanju sa djecom i maloljetnicima u krivičnom postupku, donosi

**O D L U K U**  
**O ODRŽAVANJU STRUČNE I JAVNE RASPRAVE O NACRTU**  
**ZAKONA O ZAŠTITI I POSTUPANJU SA DJECOM I MALOLJETNICIMA U**  
**KRIVIČNOM POSTUPKU**

**Član 1**

Ovom odlukom uređuje se način održavanja stručne i javne rasprave o Nacrtu zakona o zaštiti i postupanju sa djecom i maloljetnicima u krivičnom postupku.

**Član 2**

Nosilac aktivnosti provođenja stručne i javne rasprave je Komisija za rad, zdravstvo i socijalnu zaštitu, Skupštine Brčko distrikta BiH.

**Član 3**

Zadužuje se Pravosudna komisija Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učini dostupnim na web-stranici Pravosudne komisije Brčko distrikta BiH [www.pkbd.ba](http://www.pkbd.ba).

**Član 4**

Stručna i javna rasprava održat će se:

- stručna rasprava 3. 11. 2010. godine u maloj sali Skupštine, sa početkom u 11 sati,
- javna rasprava 3. 11. 2010. godine u velikoj sali Doma kulture, sa početkom u 17 sati.

**Član 5**

Finansijska sredstva za organiziranje i provođenje stručne i javne rasprave osigurat će Pravosudna komisija Brčko distrikta BiH.

## **Član 6**

Nakon sprovedenih rasprava Komisija za rad, zdravstvo i socijalnu zaštitu, Skupštine Brčko distrikta BiH sumirat će kompletnu raspravu i podnijeti Skupštini izvještaj s prijedlozima i mišljenjima sa stručne i javne rasprave.

## **Član 7**

Zapisnici sa stručne i javne rasprave bit će dostavljeni zastupnicima Skupštine Brčko distrikta BiH i Pravosudnoj komisiji Brčko distrikta BiH najmanje petnaest (15) dana prije nego što se Nacrt zakona uputi u proceduru drugog čitanja.

## **Član 8**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-296/10  
Brčko, 13. oktobra 2010. godine

PREDSJEDNIK  
SKUPŠTINE BRČKO DISTRIKTA BiH

**Mirsad Đapo, dipl. pravnik**

Dostavljeno:

1. Predsjedniku
2. Dopredsjedniku
3. Gradonačelniku
4. Komisiji za rad, zdravstvo i socijalnu zaštitu,  
Skupštine Brčko distrikta BiH
5. Pravosudnoj komisiji Brčko distrikta BiH
6. Sektoru za koordinaciju politika i opće poslove  
- Odsjeku za opće poslove
7. Arhivi